

PELANCONGAN MANJUNG

PANDUAN JELAJAH

selamat datang



MANJUNG

BANDAR PELANCONGAN DAN MARITIM


First
Edition.



EDISI KELUARAN MAJLIS PERBANDARAN MANJUNG







SEJARAH Manjung

Menurut catatan sejarah, Daerah/Jajahan Dinding merupakan sebuah daerah yang berada di bawah pemerintahan Negeri-negeri Selat. Istiadat menandatangani perjanjian penyerahan semula Jajahan Dinding kepada Kerajaan Perak telah diadakan pada 16 Februari 1935 bertempat di hadapan Rest House Lumut.

Bersempena dengan peristiwa itu, Jajahan Dinding telah ditukar namanya kepada Iskandar District dan Tanah Merah (Lumut) ditukar namanya kepada Port Iskandar. Sultan Perak pada ketika itu juga telah berkenan melantik Raja Shahriman bin Raja Abdul Hamid sebagai orang Besar Jajahan.

Bagi memperingati peristiwa tersebut Masjid Al-Adli telah dibina (di Bandar Lumut) melambangkan kesyukuran di atas penyerahan Jajahan Dinding kepada Kerajaan Perak. Sehingga tahun 1980an, daerah ini dikenali sebagai Daerah Dinding. Pada 1 Januari 1982, jajahan yang dahulunya dikenali dengan panggilan Dinding ditukar namanya menjadi Daerah Manjung yang merangkumi satu unit pentadbiran yang meliputi mukim Beruas dan Sitiawan.

Daerah Manjung pada sebelum tahun 1973 dikenali sebagai Daerah Dindings. Daerah ini pernah menjadi sebahagian dari Negeri - Negeri Selat yang pada ketika itu daerah ini berada dibawah pentadbiran Pulau Pinang. Daerah Dindings telah menjadi sebahagian dari Pulau Pinang sebaik sahaja Perjanjian Pangkor ditandatangani oleh pihak Britain dengan Sultan Perak pada ketika itu iaitu Sultan Abdullah. Perjanjian ini ditandatangani bagi menghentikan pertumpahan darah akibat dari 2 peristiwa utama iaitu perebutan takhta di antara kerabat - kerabat diraja Perak sebaik sahaja kemangkatan Sultan Jaafar dan peperangan diantara Puak Ghee Hin dan Hai San di Larut untuk merebut kawasan perlombongan bijih timah di Jajahan Larut Taiping.

Menurut Sejarah Melayu, sejarah Manjung telah bermula apabila Raja Pasir dari Sumatera iaitu Sultan Malikut Tahir menghukum buang negeri kepada adik Raja Samudra, Sultan Malikut Mansur ke Manjung. Manjung ini kemudiannya telah ditakluki oleh Beruas dan menjadi jajahan Kesultanan Melayu Melaka. Mengikut sumber Portugis, Tome Pires telah mencatatkan bahawa Manjung telah menjadi pusat perdagangan yang pesat terutama dalam perniagaan bijih timah. Dalam masa yang sama, sebuah kerajaan muncul di Dinding dan sering menjadi seterus kepada Manjung iaitu Beruas. Beruas dikatakan dibuka oleh Shamsul Bahrain dari Aceh.

Menurut Prof. Madya Dr. Talib Samat, nama Dinding berasal daripada perkataan Siam yang bermaksud 'tanah merah' yang terdapat banyak di daerah itu. Ejaan asal perkataan Siam itu adalah 'Dingding' dan lama-kelamaan telah menjadi Dinding sahaja. Mengikut sejarah dalam abad ke-15 dan 16, telah tercetusnya satu perperangan antara Raja Hitam dan Siam di Kuala Sungai Dinding yang terdiri daripada Kota Raja Hitam dan Kota Raja Siam. Perperangan ini telah dimenangi oleh Raja Hitam.

Dalam sejarah Dinding, terdapat dua kuasa Eropah yang pernah bertapak di sini iaitu Belanda dan British. Perlombongan bijih timah yang pesat berkembang di Hilir Perak pada kurun ke-17 telah menarik minat Belanda untuk memonopoli perdagangan tersebut. Pihak Belanda menerusi Kompeni Hindia Timur Belanda (VOC) telah membina sebuah kota di Pulau Pangkor. Namun kehadiran Belanda di sini tidak disenangi oleh orang Melayu dan mereka telah menyerang serta memusnahkan kota Belanda itu pada tahun 1690. Kota ini telah dibina semula oleh Belanda pada tahun 1743. Sisa tinggalan kota tersebut masih ada sehingga kini di Pangkor.

Pada awal abad ke-18, muncul pula British menerusi Kompeni Hindia Timur Inggeris (EIC) ke Dinding. Maka satu perjanjian yang dikenali sebagai "Perjanjian Low" telah ditandatangani oleh Sultan Perak pada tahun 1826. Kesultanan Perak telah bersetuju untuk menyerahkan daerah Dinding ini kepada British bagi tujuan menghapuskan masalah perlanungan di perairan Perak.

Semasa era penjajahan Inggeris, Jajahan Dindings adalah merangkumi 3 kawasan utama iaitu Bandar Sitiawan, Bandar Lumut dan Pulau Pangkor sahaja. Walau bagaimanapun pada tahun 1937, setelah hampir 10 tahun Sultan Perak pada ketika itu iaitu Sultan Alang Iskandar telah merayu kepada British agar Jajahan Dindings dikembalikan ke pangkuhan Perak dan British telah menyerahkan kembali pada tahun berkenaan.

Alasan utama baginda, Perak tidak mempunyai kawasan berpantai. Setelah penyerahan Jajahan Dindings, Kerajaan Perak telah menyatukan jajahan berkenaan dengan Brrias dan kawasan - kawasan persisiran pantai bahagian selatan. Pada tahun 1973, Daerah Dindings telah diberi nama baru iaitu Daerah Manjung dan nama berkenaan berkekalan sehingga kini.





BANDAR LUMUT

Jom Teroska!

LUMUT

BANDAR MARITIM




BANDAR PELANCONGAN DAN MARITIM
MANJUNG





BUKIT *Engku Busu* LUMUT

Bukit ini setinggi 331.4 meter (1087 kaki) adalah sempena nama Raja Engku Busu dari Selangor yang telah dijemput oleh Sultan Perak dalam tahun 1840 an untuk menghapuskan kumpulan pengacau yang dikatakan sebagai lanun yang suka bersembunyi di kawasan Selat Dindings dan Sungai Dindings. Lanun-lanun itu sentiasa meronda di kawasan pantai dari Johor hingga ke Kedah dan mengganggu kapal-kapal dagang Belanda, Inggeris dan Acheh. Walau bagaimanaun, Raja Engku Busu telah terbunuh dan gagal dalam misi tersebut. Bukit ini sesuai untuk aktiviti Jungle Trekking, pihak Majlis Perbandaran Manjung telah menyediakan trek untuk pengunjung sampai ke puncak bukit. Apabila sampai di atas puncak, pengunjung boleh menikmati pemandangan seluruh Bandar Lumut.



LOKASI

terletak di belakang Balai Polis Daerah Manjung di Bandar Lumut. Jarak lebih kurang 5 minit dari stesen bas Lumut.

KOORDINAT

4.2228° N, 100.6286° E



TAMAN

Paya Bakau Bandar

LUMUT

Taman Paya Bakau terletak di antara jalan Ipoh – Lumut dan lebih kurang 10 minit perjalanan dari Bandar Lumut. Taman ini mula dibina pada bulan Mei 1994 dan telah dibuka kepada umum pada bulan Januari 1995. Taman Paya Bakau ini bertujuan untuk menjadi produk pelancongan daerah Manjung yang berteraskan pendidikan dan informasi berkaitan ekologi hutan bakau yang terdapat di Negara ini.



Pada tahun 2005, taman ini telah diselenggara dan ubahsuai. Ia mempunyai laluan sejauh 366 meter dan selebar 6 kaki yang merentasi hutan paya bakau. Di hujungnya didirikan 2 buah pondok untuk pengunjung beristirehat atau memancing. Di sepanjang laluan ini pengunjung dapat menghayati keindahan alam semulajadi hutan paya bakau dan melihat sendiri hidupan yang ada di paya bakau berkenaan. Struktur pejalan kaki ini sekali lagi dinaik taraf pada tahun 2017 bertujuan menjaga keselamatan serta keselesaan pengunjung.



Lumut Waterfront



Taman Awam Lumut Water Front terletak di persisiran muara sungai Dinding dan bersebelahan dengan "Lumut Yacht Club". Kawasan taman ini mempunyai panorama yang sungguh menarik kerana kedudukannya yang menghala ke kuala Sungai Dinding dan Sungai Sitiawan.

Konsep pembangunan taman awam persisiran pantai di Bandar Lumut adalah diilhamkan daripada pergerakan hidupan laut. Taman awam ini seolah-olah menceritakan tentang kehidupan laut yang sentiasa bergerak dari satu tempat ke tempat yang lain dan ia diadaptasikan kepada pergerakan pengunjung taman dengan pelbagai aktiviti riadah dan rekreasi yang disediakan. Rekabentuk taman ini mempunyai kesinambungan dengan laut yang akan menjadi tarikan utama kepada para pengunjung dan mengintegrasikan pembangunan di kawasan persekitaran dengan faktor semulajadinya.


Taman awam ini juga menerapkan unsur-unsur ilmiah di mana mendidik pengunjung untuk mengenali dan menghargai keindahan alam dan sekitarnya. Konsep landskapnya menggambarkan taman ini amat sesuai untuk aktiviti riadah. Projek pembinaan taman awam ini dibiayai sepenuhnya oleh Jabatan Landskap Negara, Kementerian Perumahan dan Kerajaan Tempatan di mana Pihak Majlis Perbandaran Manjung berperanan sebagai agensi pelaksana.

DATARAN PUTRA

Dataran Putra terletak bersebelahan Terminal Jeti Lumut yang menjadi tumpuan orang awam berkumpul ketika waktu malam. Selain menghadap pemandangan laut, Dataran Putra juga mempunyai landskap yang menarik dimana pengunjung dan orang awam boleh meluangkan masa bersama keluarga atau rakan sebaya sambil menikmati angin malam. Terdapat juga kumpulan 'buskers' yang membuat persembahan di Dataran Putra ketika waktu malam pada hujung minggu. Disekitar dataran ini juga terdapat restoran - restoran dan bazaar yang menjual pakaian, cenderamata dan lain - lain.



JETTY LUMUT



Terminal Jeti Lumut (Jetty Wing) meliputi kawasan seluas 3.8 ekar yang merangkumi plaza jeti yang dilengkapi dengan pelbagai kemudahan seperti restoran, gerai kraftangan dan hasil laut, kaunter tiket, tandas awam dan pejabat operasi. Selain itu, ia dilengkapi dengan Plaza Promenade yang mengandungi 2 unit restoran makanan segera, 10 unit gerai hasil laut dan 3 unit kiosk yang dikenali sebagai Medan Dato' Ishak. Dataran terminal ini mempunyai ruang landskap yang berkonsepkan maritim dan amat sesuai bagi aktiviti santai.

- Dari Jeti Lumut, feri Pangkor berulang-alik ke berbagai bahagian Pulau Pangkor. Tambang sekali jalan adalah RM5.00 / seorang. (Dua hala RM10.00)
- Keberangkatan pertama dari Lumut adalah pada pukul 7 pagi, terakhir pada pukul 8.30 malam.
- Keberangkatan pertama dari Pangkor adalah pada pukul 6.30 pagi, terakhir pada pukul 8.30 malam.
- Keberangkatan adalah selang 30 ~ 45 Minit, bergantung pada waktu hari, dan persimpangan biasanya tidak lebih dari 45 minit.
- Terdapat dua perhentian feri utama untuk penduduk di Pulau Pangkor, Malaysia; Jeti SPK di Sungai Pinang Kecil dan Jeti Pangkor di Bandar Pangkor. Pelancong harus berhenti di Jeti Pangkor, kerana ini adalah bandar pelancongan utama di Pulau Pangkor dan lebih dekat dengan berbagai pantai di pantai barat pulau itu.

TAMAN *Esplanade*



Taman yang dibuka kepada umum pada 15 Ogos 1996 telah menarik tumpuan pelancong yang transit ke Pulau Pangkor. Selain kedudukannya yang terletak berhampiran jeti, faktor landskap yang cantik juga boleh diambil kira. Kemudahan yang disediakan Majlis Perbandaran Manjung menjadi sebab utama para pelancong gemar mengunjunginya. Antaranya pusat kraftangan dan gerai-gerai makan berhampiran laut.

Di taman esplanade ini terdapat juga taman permainan kanak-kanak dan juga laluan pejalan kaki bagi orang awam melakukan aktiviti riadah pada waktu pagi dan petang. Antara aktiviti riadah yang boleh dilakukan di taman ini adalah 'jogging', berbasikal di sepanjang trek laluan sambil menikmati pemandangan laut dan memancing.

MAR'NA WING



Taman ini mempunyai pemandangan panorama yang menarik kerana lokasinya menghadap muara Sungai Dinding dan Sungai Sitiawan.

Konsep pembangunan taman awam di bandar pesisir Lumut diilhamkan oleh pergerakan kehidupan laut. Taman Awam ini nampaknya menceritakan tentang kehidupan laut yang selalu bergerak dari satu tempat ke tempat lain dan disesuaikan dengan pergerakan pengunjung taman dengan pelbagai aktiviti riadah dan rekreasi yang disediakan.

Reka bentuk taman ini adalah kelangsungan laut yang menjadi daya tarikan utama pengunjung dan ia menggabungkan pembangunan di kawasan sekitarnya dengan faktor semula jadi. Taman awam ini juga menerapkan elemen intelektual di mana ia mendidik pengunjung untuk mengenali dan menghargai keindahan alam semula jadi dan persekitarannya. Konsep landskap menggambarkan hakikat bahawa taman ini sesuai untuk aktiviti rekreasi.

Taman ini juga dilengkapi dengan 2 kiosk dan 5 gerai yang beroperasi dari jam 9.00 pagi hingga 12.00 tengah malam.



Medan Parkir Kereta Bertingkat



Medan Tempat Letak Kereta Bertingkat di Lumut terletak di tengah-tengah Bandar Lumut yang semakin berkembang dan pesat membangun dibawah pentadbiran Majlis Perbandaran Manjung. Medan ini dibina untuk kemudahan pengguna dan pelancong yang datang dari luar atau dalam negara untuk menampung kekurangan tempat letak kereta di Bandar Lumut akibat kebanjiran pelancong terutama di musim-musim cuti perayaan. Kedudukannya yang terletak berhampiran dengan jeti ini pelancong tidak perlu berjalan kaki terlalu jauh untuk sampai ke jeti. Bangunan ini mempunyai 4 tingkat di mana ia mampu menempatkan kira-kira 900 buah kenderaan.

Medan Letak Kereta Bertingkat ini beroperasi pada setiap hari dan Hari Kelepasan Am. Kadar bayaran yang dikenakan ialah 0.60 sen pada 1 jam pertama dan jam berikutnya. Antara kemudahan yang terdapat di sini ialah pihak Majlis Perbandaran Manjung telah menyediakan kemudahan "SEASONPASS" atau Kad Bulanan untuk pengguna yang berminat untuk memohon terutamanya pengguna yang bekerja di Pulau Pangkor. Disini juga terdapat kemudahan kawalan CCTV yang beroperasi selama 24 jam yang memantau keadaan di sekeliling medan tempat letak kereta supaya dapat mengelakkan berlakunya sebarang kecurian kenderaan pengguna. Medan ini juga dapat menghindar kenderaan pengguna daripada pancaran matahari yang boleh menyebabkan kerosakan kerana Medan ini mempunya bumbung dan "JUMPER" juga turut disediakan untuk pengguna yang mengalami kerosakan kenderaan.



MEDAN SELERA DATO HAJI ISHAK LUMUT



NAMA MEDAN SELERAINI DIAMBIL DARIPADA DATO' MUFTI HAJI ISHAK BIN BAHAROM YANG MERUPAKAN BEKAS MUFTI NEGERI SELANGOR DARUL EHSAN, DAN JUGA MERUPAKAN SEORANG PENDAKWAH BEBAS. BELIAU TELAH DILAHIRKAN PADA 1 JANUARI 1928 DI KAMPUNG BATU 22, KANCHONG DARAT, BANTING, SELANGOR DAN MENINGGAL PADA HARI RABU 30 JANUARI 2008 BERSAMAAN 21 MUHARRAM 1429 HIJRAH, DATO' HAJI ISHAK, BERUMUR 80 TAHUN 29 HARI, MENINGGAL DUNIA AKIBAT PENDARAHAN DALAM KEPALA PADA JAM 2.30 PAGI DI HOSPITAL SUNGAI BULOH.



MEDAN SELERA DATO HAJI ISHAK INI BEROPERASI DARI JAM 9 PAGI HINGGA 12 TENGAH MALAM. TERDAPAT BANYAK RESTORAN YANG DIBUKA DI SEPANJANG PERKARANGAN MEDAN SELERA TERSEBUT. MEDAN SELERA INI JUGA TERLETAK DI ARAS BAWAH BANGUNAN MEDAN TEMPAT LETAK KERETA BERTINGKAT



HASIL LAUT LUMUT

TERKENAL DENGAN PANGGILAN BANDAR MARITIM, LUMUT MERUPAKAN SALAH SATU TEMPAT YANG KAYA DENGAN HASIL LAUT YANG PELBAGAI TERMASUK JUGA HASIL LAUT YANG TELAH DIPROSES MENJADI SNEK RINGAN. DI SEKITAR BANDAR LUMUT KELIHATAN KEDAI - KEDAI YANG MENJUAL HASIL LAUT LUMUT UNTUK PARA PENGUNJUNG.

Hasil Laut Jamilah

LOKASI

No. 4, Jalan Titi Panjang,
32200 Lumut, Perak

HUBUNGI

013-588 1246

Hasil Laut D'Lumut

LOKASI

No.25, Jalan Sultan
Yussuff Izuddin, 32200
Lumut, Perak

HUBUNGI

018-570 0724



Hasil Laut Tarmizi & zalina

LOKASI

No. 4, Jalan Titi Panjang,
32200 Lumut, Perak

HUBUNGI

019-556 8215

Jeti Kg Bharu

LUMUT

Kampung Bharu terletak 15km dari Sitiawan, 17km dari Lumut dan 29km dari Pantai Remis, Perak. Kampung ini terletak di tepi Sungai Manjung yang dahulunya dikenali sebagai Sungai Dinding. Di pinggir kampung ini terdapat bot-bot nelayan yang menjala dan memancing di Sungai Manjung. Kampung Bharu juga terdapat banyak chalet dan homestay dan juga restoran yang menyajikan hidangan makanan laut yang segar. Kampung Bharu juga sering dikunjungi oleh para pemancing kerana terdapat kelong-kelong

dan juga chalet-chalet yang menawarkan kemudahan untuk memancing ikan di Sungai Manjung ini. Terdapat sebuah jeti di Kampung Bharu yang terletak di tepi Sungai Manjung dan ianya telah diperbaharui dengan lampu-lampu neon yang menyinari jeti ni pada waktu malam.





UNIKL MIMET

MALAYSIAN INSTITUTE OF MARINE
ENGINEERING TECHNOLOGY (MET)


Program ini bertujuan untuk memberi pelajar pengetahuan, latihan, dan kecekapan yang diperlukan untuk mempersiapkan pelajar untuk Sijil Kompetensi Pengawal (Motor / Steam) dalam perjalanan tanpa had sesuai dengan Standard Latihan, Persijilan dan Penjagaan Pengawal untuk Pelaut (STCW) 1978 Konvensyen dan Kod Antarabangsa (Pindaan Manila 2010) serta Peraturan Perkapalan Saudara (Latihan dan Persijilan) 2014. Di samping itu, para pelajar akan dilatih dan dikembangkan untuk menjadi usahawan teknikal yang berkesan dalam bidang Kejuruteraan Laut, yang akan bersedia untuk mengambil bahagian dalam aktiviti teknopreneurial yang berkaitan. Program ini diakreditasi oleh Malaysian Department of the Sea (MARDEP) Malaysia, Malaysian Engineering Technology Accreditation Council (ETAC) Malaysia dan Institut Marine Engineering, Science & Technology (IMarEST) UK.



Lokasi

Universiti Kuala Lumpur Malaysian Institute of Marine Engineering Technology Dataran Industri Teknologi Kejuruteraan Marin, Bandar Teknologi Maritim, Jalan Pantai Remis, 32200 Lumut, Perak.
Malaysia Email: enquiries.mimet@unikl.edu.my
Phone: +605-6909000





PANTAI PERANGINAN



BANDAR PELANCONGAN DAN MARITIM


MANJUNG






Teluk Batik

- Teluk Batik dinamakan Teluk Batak pada zaman awal kewujudannya. Walau bagaimanapun pada 26 April 1974 nama Teluk Batak telah ditukar kepada Teluk Batik. Pantai yang terletak lebih kurang 6.5 kilometer daripada Bandar Lumut adalah sebuah destinasi pelancongan dan perkelahan yang ideal untuk dikunjungi kerana memiliki kemudahan-kemudahan istimewa yang diperlukan sebagai tempat pelancongan menarik.
- Pantainya yang panjang dan berlatar belakangkan hutan hujan tropika menarik hati sesiapa sahaja yang memandang. Pelbagai kemudahan disediakan di sini seperti chalet, gerai makan, tandas, tempat persalinan, tempat letak kereta dan taman permainan kanak-kanak. Kawasan pantai ini dikelilingi oleh keindahan hutan hujan tropika yang merimbun di bukit-bukit yang terdapat di sekelilingnya. Anggaran keluasan Teluk Batik ialah lebih kurang 60 ekar persegi manakala panjang pantainya adalah 1 km.
- Sejarah Teluk Batik dikatakan bermula kedatangan kaum Batak dari Kepulauan Sumatera di Indonesia. Ceritanya bermula apabila pada zaman dahulu lanun-lanun dan perompak menjadikan perairan Selat Melaka tempat mereka merompak dan merampas hasil dagangan dan kepunyaan pemilik orang-orang yang menggunakan laluan Selat Melaka tersebut. Ini tidak terkecualilah kaum Batak ini. Mereka menjadikan Teluk Batik yang ada sekarang sebagai tempat perlindungan daripada ancaman lanun dan perompak tersebut. Dari situ bermulalah penempatan kaum Batak dan tempat tersebut telah dipanggil Teluk Batak. Diberitahu oleh kebanyakan penduduk asal berhampiran (Kampung Teluk Muruh dan Kampung Padang Tembak) panggilan Teluk Batak kekal sehingga awal 80an, selepas itu oleh kerana panggilan Teluk Batak tidak sedap didengar maka ianya telah ditukar dengan panggilan Teluk Batik. Panggilan nama Teluk Batik kekal sehingga sekarang. Nama Teluk Batak ini telah ditukar kepada Teluk Batik secara rasminya pada 26hb. April 1974.





Teluk Batik merupakan pantai yang terkenal di Lumut, Perak yang menjadi tumpuan para pengunjung terutamanya ketika musim cuti sekolah. Pantai peranginan Teluk Batik dipenuhi dengan pengunjung setempat dan juga pelancong luar yang datang berkunjung bersama keluarga. Pantai yang berukuran kira-kira 1km panjangnya kelihatan bersih dan cantik serta pemandangan laut yang indah dikelilingi hutan hujan tropika yang merimbun menjadikan ia salah satu faktor tarikan pelancong. Terdapat bot yang telah disediakan untuk membawa pengunjung mengelilingi kawasan sekitar dan pemandangan jauh di tengah laut serta mengelilingi pulau berdekatan sekitar pantai Teluk Batik.



Diperkarangan pantai Teluk Batik juga terdapat variasi kemudahan yang telah disediakan serta terdapat aktiviti menarik yang boleh dilakukan oleh para pengunjung. Antara kemudahan yang telah disediakan adalah tandas awam, bilik persalinan, laluan pejalan kaki, wakaf, tapak perkhemahan, gelanggang bola tampar, kedai makan, dan juga kedai cenderamata. Aktiviti menarik yang boleh para pengunjung lakukan adalah berbasikal, bermandi-manda, bermain bola tampar pantai, berkelah, berkhemah, aktiviti berkuda dan melakukan aktiviti sukan air.





× × × × × × × × × × × × ×
X Di pintu masuk utama, terdapat X
X bangunan yang terdahulunya X
X dikenali sebagai Muzium Siput X
X namun kini ia dijadikan sebagai X
X Pusat Komuniti Teluk Batik X
X yang berfungsi sebagai rumah X
X rehat dan juga upacara X
X keramaian misalnya majlis X
X perkahwinan. Beberapa X
X program sering dianjurkan di X
X Pusat Komuniti ini. X
X X X X X X X X X X X X X
X X X X X X X X X X X X X



× × × × × × × × × × × × ×
X Di kawasan Teluk Batik X
X terdapat juga taman awam X
X bagi kegunaan aktiviti riadah X
X dalam kalangan para X
X pengunjung. Ia dilengkapi X
X pelbagai kemudahan seperti X
X taman permainan, trek X
X berbasikal, laluan pejalan kaki X
X dan dihiasi dengan struktur X
X binaan yang unik iaitu X
X lembing yang tersusun seolah X
X berada di perkarangan istana. X
X X X X X X X X X X X X X
X X X X X X X X X X X X X



PLAYA @ TLOUK



aktiviti kuda



bat-bike



PLAY @ TELUK
BATIK

permainan
kanak-kanak



DATARAN TELUK BATIK @ HADHARI

TELUK BATIK

Disekitar pantai peranginan Teluk Batik terdapat sebuah dataran yang diberi nama Dataran Hadhari. Dataran ini berfungsi sebagai pentas untuk pelbagai aktiviti yang boleh dijalankan di Teluk Batik kerana mempunyai keluasan yang agak luas. Pelbagai pihak sama ada pertubuhan bukan kerajaan, persatuan - persatuan mahupun pihak swasta telah menjalankan aktiviti dan program - program di dataran tersebut seperti Program SenamRobik, konvoi kereta serta penjualan barang ekspo. Sekiranya terdapat pihak yang ingin menjalankan aktiviti di dataran tersebut, perlulah menyewa dan berurusan dengan pihak Jabatan Pembangunan Komuniti Sosial Majlis Perbandaran Manjung.



CAMPER SITE

Pantai Teluk Batik



Di perkarangan Teluk Batik telah disediakan tapak perkhemahan yang telah dirasmikan pada tarikh 29 Ogos 2020 oleh Yang DiPertua Majlis Perbandaran Manjung Tuan Syamsul Hazeman bin Md Salleh. Tapak perkhemahan tersebut merupakan projek pembangunan pelancongan yang julung kalinya diwujudkan dan dibangunkan di kawasan perbandaran Manjung dan berfungsi sebagai tarikan baharu kepada para pelancong yang datang berkunjung ke daerah Manjung.

Tapak perkhemahan ini juga dilengkapi dengan kemudahan tandas awam, sumber air bersih dan juga sumber elektrik bagi keselesaan dan kemudahan pengguna. Para pengunjung 'camper site' dibenarkan untuk membawa masuk kenderaan dan parkir kenderaan di dalam tapak perkhemahan yang berada di kawasan pantai dan menikmati pengalaman 'campervan' di kawasan pantai.



Kadar penyewaan camper site bagi :

- *kenderaan RM 50 (1 malam)*
- *khemah RM 40 (1 malam)*

Tel No.

- (+011-31842551)
(+019-5401901)
(+016-5047080)



Bukit 300

TELUK BATIK

Lokasi Bukit 300 yang terletak berhampiran pantai peranginan Teluk Batik menjadikan ia tempat rekreasi yang sering dikunjungi pendaki dan pengunjung terutamanya ketika hujung minggu. Bukit ini diberi nama Bukit 300 bersempena dengan ketinggiannya yang berukuran lebih 300 meter dari paras laut. Ia adalah sebahagian dari Hutan Simpan Teluk Murok dan mempunyai flora dan fauna yang menarik. Bukit 300 mempunyai trek sepanjang 4.5km yang digunakan sebagai trek untuk mendaki dan 'mountain biking'. Trek ini tidak terlalu mencabar bagi pendaki yang kurang berpengalaman dalam mendaki bukit. Perbezaan Bukit 300 dan Bukit Engku Busu adalah ketinggian dan juga trek mendaki dimana Bukit Engku Busu mempunyai ketinggian yang lebih tinggi berbanding Bukit 300 dan treknya juga lebih mencabar bagi para pendaki.

LOKASI:

Terletak berhampiran pintu masuk utama ke pantai peranginan Teluk Batik, Lumut

Pusat Ekologi Vale

Pusat Ekologi Vale telah dilancarkan pada bulan Oktober 2015 sebagai sebuah platform pendidikan bagi anggota masyarakat setempat dan orang awam untuk mengetahui dan menghargai kepelbagaiannya biologi di hutan Teluk Rubiah.

Pengarah Urusan VALE Malaysia, Efrem Daumas berkata, VALE telah menjalankan kerjasama bersama MNS bagi menjalankan Ekspedisi Saintifik di hutan Teluk Rubiah. Tujuan ekspedisi ini adalah untuk mengetahui potensi-potensi yang ada di hutan Teluk Rubiah untuk dibawa ke Pusat Ekologi. Ekspedisi ini melibatkan pengkaji, pakar alam semulajadi, guru sekolah serta pelajar, pekerja dan sukarelawan dari VALE dan MNS. Hasil ekspedisi yang dijalankan, MNS mendapati terdapat lebih daripada 100 jenis tumbuhan, 125 spesis burung, 28 spesis pepatung dan beberapa spesis yang lain. VALE memperuntukkan 715 ekar daripada 1,196 ekar tanah yang dimilikinya untuk dipelihara. Antara aktiviti yang boleh dilakukan di Pusat ini merangkumi kem pendidikan, jalan berpandu, eksperimen dan pengalaman, pemerhatian burung, rama-rama dan kajian serangga, aktiviti ekologi, berjalan kaki dan pemantauan pantai dan sungai. Terdapat tiga jalur trekking hutan utama yang tersedia di Pusat, yaitu, Main Trail, Coastal Trail dan Waterfall Trail, di mana orang dapat belajar tentang alam sekitar dalam suasana semula jadi.

Pusat ekologi tersebut dijangka akan dibuka kepada orang awam dari jam 8.30 pagi hingga 6 petang ini setiap hari tanpa sebarang bayaran dikenakan. Pusat Ekologi Vale terletak di sebelah hujung pintu masuk ke Pantai Teluk Batik berdekatan Hotel Virgo.



CHALET IMPIAN TELUK BATIK



Disekitar pantai peranginan Teluk Batik terdapat beberapa buah chalet dan resort yang menarik dan sering dipenuhi pengunjung ketika musim cuti persekolahan dan perayaan. Kedudukan chalet - chalet ini sangat strategik kerana ia terletak berhadapan pantai dimana penghuni chalet tidak perlu berjalan jauh untuk ke persisiran pantai. Salah satu chalet yang terkenal di pantai Teluk Batik adalah Chalet Impian yang terkenal dengan kediaman chalet yang berwarna - warni dan menyediakan pelbagai kemudahan dan pakej yang murah kepada para pelancong.





Teluk Batik Resort

Teluk Batik Resort terletak berhampiran pintu masuk ke perkarangan pantai peranginan Teluk Batik. Teluk Batik Resort direka dengan konsep untuk acara & aktiviti untuk perniagaan dan percutian. Ketenangan, kesegaran dan udara bersihnya menjadikan ia tempat percutian yang sempurna bagi mereka yang mencari ketenangan dan relaksasi alam.



Virgo Batik Resort

Virgo Batik Resort berlokasikan bersebelahan Teluk Batik Resort juga merupakan tempat penginapan yang mudah di akses kerana lokasinya yang tidak jauh dari pantai peranginan Teluk Batik. Resort ini menawarkan pelbagai jenis bilik tidur yang selesa dan sesuai untuk seisi keluarga pada harga yang berpatutan.






Teluk Senangin

SEGARI

Terletak di Seri Manjung 30 km dari Bandar Sitiawan, pantai peranginan Teluk Senangin merupakan salah satu tumpuan para pengunjung dimana pengunjung berpeluang untuk menikmati keindahan pasir putih dan laut kebiruan serta pemandangan Selat Melaka dan Pulau Pangkor yang menakjubkan terutama pada waktu senja ketika terbenamnya matahari.



Di perkarangan Teluk Senangin terdapat kemudahan yang telah disediakan untuk para pengunjung seperti tandas, wakaf, tempat parkir kenderaan dan juga gerai-gerai jualan yang menjual makanan dan minuman ringan serta pakaian renang dan pelampung untuk kanak-kanak. Di hujung persisiran pantai Teluk Senangin terdapat beberapa buah chalet yang menarik dimana para pengunjung boleh membuat tempahan untuk menetap di chalet tersebut sepanjang percutian mereka disambil menikmati keindahan laut.



PANTAI Pasir Panjang SEGARI

Pantai Pasir Panjang merupakan pantai paling panjang di Daerah Manjung. Pantai sepanjang 6 km ini terletak 2 km dari Pekan Segari dan 5 km dari Simpang Jalan Lumut - Pantai Remis. Kehalusan pasir pantai, pohon yang merimbun dan kawasan yang bebas daripada gangguan menjadikan Pantai Pasir Panjang lokasi yang ideal untuk penyu bertelur.

Pantai Pasir Panjang juga merupakan tempat yang strategik untuk melihat anak bulan bagi menentukan permulaan bulan Ramadan, Hari Raya Aidilfitri dan Hari Raya Aidiladha.

Di utara pantai ini terdapat pusat penetasan telur penyu yang dikendalikan oleh Jabatan Perikanan Malaysia yang diberi nama **Pusat Konservasi dan Penerangan Penyu**. Dianggarkan 90 % penyu yang merentasi ombak kuat untuk datang ke sini adalah spesis Penyu Agar dan Penyu Lipas. Penyu-penyu ini mendarat pada sekitar bulan Mac hingga Julai setiap tahun. Pusat konservasi ini telah dibina sejak tahun 1990.

WAKTU OPERASI


- *Dibuka setiap hari*
- *8.00 pagi - 5.00 petang*



HUBUNGI : 05-255 4061

E-MEL : PPNPRK@DOF.GOV.MY

PUSAT

Konservasi Penyu Segari






BANDAR SERI MANJUNG

Jom Teroska! PULAU PANGKOR

BANDAR MARITIM



BANDAR PELANCONGAN DAN MARITIM
MANJUNG





Teluk Dalam

Pantai Teluk Dalam merupakan kawasan perkampungan nelayan pulau pertama yang terletak di Pantai Barat Semenanjung Malaysia. Daya tarikan utama di sini adalah tradisi komuniti nelayan berbilang kaum yang hidup bermasyarakat di pesisiran pantai. Teluk Dalam Resort pula merupakan pusat peranginan seluas 40 ekar yang dibina berkonsepkan taman landskap yang menjadi daya tarikan pelancong asing untuk berkunjung ke sini. Selain itu, pelancong juga boleh merasai suasana kehidupan sebenar masyarakat nelayan dan melakukan aktiviti riadah seperti merentas hutan, 'snorkeling', 'scuba diving', berbasikal dan memancing.

Pulau Giam

Di Pulau Pangkor terdapat juga sebuah pulau yang menjadi daya tarikan pelancong iaitu Pulau Giam yang terkenal dengan aktiviti 'snorkeling'. Pulau Giam terletak kira-kira 5 km dari Pekan Pangkor dan berhadapan dengan Teluk Nipah. Para pengunjung berpeluang untuk menikmati keindahan alam semula jadi serta lautan biru yang jernih persis permata disamping melakukan aktiviti 'snorkeling' dimana mereka dapat berenang bersama ikan-ikan dan melihat sendiri pemandangan batu karang di dasar laut dan juga kepelbagaiannya hidupan akuatik dan juga spesis ikan yang menarik dan unik.




Pasir Bogak



Teluk Nipah

Terletak di Pulau Pangkor 1 km dari Pasir Bogak, Teluk Nipah merupakan tempat perkelahan yang popular di Pulau Pangkor. ia mempunyai pemandangan laut yang cantik. Teluk Nipah juga mempunyai kemudahan awam dan tempat penginapan yang selesa. Pantai Teluk Nipah terletak kira-kira 5 km dari Jeti Pulau Pangkor dan berhadapan dengan Pulau Giam. Ia terkenal dengan pantai yang landai, pasir yang putih dan halus serta warna air laut yang kebiru-biruan. Aktiviti yang boleh dijalankan di sini ialah sukan air, berkhemah dan berkelah. Terdapat juga sebuah tokong cina yang menjadi tumpuan umum di kawasan ini.

Bertempatkan di Pulau Pangkor, Pantai Pasir Bogak terletak kira-kira 5 km dari Pekan Pangkor. Untuk ke pantai ini, pengunjung perlu mengambil masa lebih kurang 15 minit perjalanan dari Jeti Pulau Pangkor. Panjang pantai ini lebih kurang 1.3 km dan terkenal dengan aktiviti berkelah, mandi-manda, sukan air, berbasikal dan memancing.



PANTAI teluk Ketapang



Teluk Ketapang terletak di antara dua buah pantai iaitu Teluk Nipah dan Pasir Bogak, di Kampung Penyu. Teluk Ketapang, iaitu kira-kira 6KM dari Jeti Pangkor dan 3KM dari Pasir Bogak. Pantai Teluk Ketapang merupakan satu projek pemuliharaan penyu oleh komuniti di Pulau Pangkor yang diketuai oleh En. Rasli Ibrahim yang bermula pada sekitar 2017. Terdapat satu menara untuk para pengunjung melihat permandangan secara menyeluruh di kawasan ini.

HUBUNGI : 05-689 8961
EMEL : mpmsmartkomuniti@gmail.com

WAKTU OPERASI

- *Dibuka setiap hari*
- *10.00 pagi - 7.00 petang*

Teluk ketapang juga terdapat sebuah jeti yang sering menjadi tumpuan para pemancing kerana kawasannya yang strategik untuk mencandat sotong di penghujung jeti tersebut. Teluk ketapang juga merupakan kawasan persinggahan penyu bertelur pada musim-musim tertentu. Selain itu pantai ini juga dikenali sebagai Teluk Penyu oleh masyarakat sekitar.

Aktiviti yang terdapat di Kampung Penyu ini ialah pelepasan anak penyu, lawatan sarang penyu bertelur serta sedikit perkongsian mengenai pendidikan dan pengetahuan tentang penyu akan disampaikan kepada para pengunjung



**Kampung
Penyu**

TELUK KETAPANG

Kota Belanda




Sejarah

Pada tahun 1670, Kota Belanda ini dibina oleh Syarikat Hindia Timur Belanda (VOC) untuk menyimpan bijih timah yang diperolehi dari negeri Perak. Pada tahun 1690, rakyat tempatan yang tidak bersetuju dengan cara Belanda memperolehi bijih timah tersebut dan telah membina sakanan kota ini. Selepas dimusnahkan, pada tahun 1749 Belanda telah membinanya semula dan menempatkan seramai 80 orang pengawalnya di sini. Selepas tahun 1779 Kota Belanda tidak digunakan lagi kerana Belanda menumpukan kepada perdagangan rempah di Maluku, Indonesia. Belanda juga berhadapan dengan Perang Napoleon di Eropah. Pada 1824 Belanda dan Inggeris secara rasmi membahagikan wilayah penguasaan masing-masing di Nusantara menerusi Perjanjian Inggeris-Belanda 1824.

Usaha pemuliharaan

Pada 1973, kota ini telah dibina semula oleh Jabatan Muzium dan telah diwartakan sebagai monumen lama dan tapak tanah bersejarah di bawah Akta Bendapurba 1976 dalam Seksyen No. 247, Warta Kerajaan Negeri Perak bertarikh 31 Mac 1970. Kemudian pada 1997, kerajaan negeri Perak telah memajukan lagi kawasan ini sebagai kawasan pelancongan negeri Perak. Beberapa rumah limas tradisional negeri Perak telah dibina di sini. Pelbagai gerai makanan pakaian dan cenderamata juga terdapat di sini. Beberapa bahagian kota ini telah dibaiki semula dan diperindahkan di persekitaran perkampungan nelayan Melayu.



PULAU PANGKOR

MASJID AL-BARD SERIBU SELAWAT



Jika anda sampai ke Pulau Pangkor, singgahlah ke lokasi Masjid Seribu Selawat ini yang terletak di Kampung Teluk Gedong untuk melihat sendiri keunikan seni binanya yang mempunyai identiti tersendiri berkaitan unsur seni negeri Perak. Untuk makluman anda pembaca, Masjid Seribu Selawat ini sebenarnya mula dibina pada 7 Mac 2014 dengan kos bernilai RM11.7 juta dan siap sepenuhnya dalam bulan Oktober 2016.

Mesti anda semua tertanya-tanya tentang kenapa nama masjid ini diberi sebagai nama Masjid Al-Badr Seribu Selawat? Dari mana datangnya nama Seribu Selawat tersebut? Khas untuk makluman anda, hal ini adalah kerana dinding-dinding masjid ini dipenuhi dengan ukiran 1,000 selawat. Apa yang uniknya berkenaan dengan masjid ini lagi adalah kedudukannya dibina di atas air laut. Selain itu, ia turut mengetengahkan identiti negeri Perak yang tercinta pada setiap geometri hiasan dalaman pada dindingnya. Satu lagi fakta penting dan penting untuk tahu bahawa inilah masjid terapung pertama yang dibina di Perak.

Pembinaan Masjid Al-Badr Seribu Selawat di Pulau Pangkor bukan sahaja sebagai tempat ibadat tetapi ia adalah satu monumen baru yang ditekankan dalam seni bina pembinaan masjid dan secara tidak langsung menyumbang kepada produk pelancongan di Pulau Pangkor. Masjid Al-Badr ini juga mampu memuatkan seramai 1,500 orang dalam satu masa. Jadi, jika anda sampai ke Pulau Pangkor, carilah peluang untuk menunaikan solat di Masjid Al-Badr Seribu Selawat ini dan nikmatilah keindahan dan keunikan seni bina masjid tersebut!



Masjid Seribu Doa

pulau pangkor



Rentetan daripada pembinaan Masjid Al-Badr yang berkonsepkan 1000 selawat, tercetusnya pula idea untuk membangunkan sebuah lagi masjid yang menjadikan Doa sebagai konsep utamanya. Masjid ini dibina semula dan dikekalkan dengan nama Masjid Al-Khairiah yang telah selesai dibina pada 24 Oktober 2019. Idea ini juga terhasil daripada Mantan Menteri Besar Perak Dato' Seri Diraja Dr. Zambry Abdul Kadir dengan kerjasama rekabentuk oleh Jabatan Kerja Raya (JKR) dan seni dalaman oleh Yayasan Restu. Kedudukan masjid yang dikelilingi oleh majoriti masyarakat cina membuatkan idea rekabentuk dan hiasan dalamannya menjurus kepada motif oriental. Keunikan masjid ini diserlahkan lagi dengan pelbagai jenis seni khat dan himpunan doa-doa yang dipetik daripada Al-Quran dan Hadis. Manakala Asma-ul- Husna dipamerkan di tiang-tiang masjid ditulis dalam bentuk kaligrafi china. Kesemua hasil seni khat di masjid ini merupakan sentuhan tangan oleh penulis khat di Yayasan Restu yang juga merupakan anak melayu tempatan. Dekorasi keseluruhan masjid ini mengaplikasikan pelbagai pola motif tumbuhan dan geometri yang terdapat di negeri Perak. Kebanyakkan reka bentuk di masjid ini berunsurkan ketimuran dari negara China dan juga identiti perak. Motif-motif ini diambil daripada Masjid Niu Jie, bunga-bungaan di China seperti Chinese Peony, Apple Blossom dan Plum Blossom.



BATU BERSURAT


PULAU PANGKOR

Terdapat batu bersurat belanda (Tiger Rock) yang terletak berhampiran pantai Kampung Teluk Gedung. Apa yang terpahat pada batu tersebut adalah gambaran harimau yang sedang membaham seorang budak. Dua bulatan berbentuk daun dan juga perkataan-perkataan Belanda serta Inggeris yang berbunyi "If Carlo 1743". Tahun yang dicatatkan sebagai tahun pendudukan semula Belanda di Pulau Pangkor selepas diusir oleh penduduk yang diketuai oleh Panglima Kulup sekitar 1690-an.

Terdapat pelbagai kisah disebalik batu tersebut. Antara kisah yang menarik, Orang Bugis dan orang Melayu telah menculik dan membunuh anak pembesar Belanda untuk membalas dendam di atas kekejaman Belanda melayan penduduk tempatan. Apabila askar Belanda mencari budak tersebut, penduduk tempatan membuat cerita dengan menyatakan mereka nampak harimau telah melarikan budak tersebut. Namun penduduk Pulau Pangkor yang lain percaya bahawa bukan harimau yang telah melarikan budak tersebut tetapi pembesar Melayu yang tidak puas hati dan ingin membebaskan Pangkor dari Belanda. Oleh sebab itulah askar Belanda ini melukis gambar harimau yang melambangkan 'orang Melayu'. Batu ini juga dikenali sebagai 'Tiger Rock' kerana adanya gambar harimau tersebut.

Dahulunya batu ini bersaiz lebih kecil daripada sekarang dan batu ini seolah-olah hidup kerana ia mampu membesar dari saiz asalnya yang agak kecil. Panjang batu ini kini adalah 10.7 meter, lebarnya 4.6 meter dan tingginya pula adalah 4.3 meter.





BANDAR SITIAWAN

Jom Teroska!

SITIAWAN



BANDAR PELANCONGAN DAN MARITIM

MANJUNG



TOKONG CINA PASIR PANJANG

Tokong Cina atau dikenali sebagai Tua Pek Kong di Pasir Panjang, Perak ini merupakan salah satu tempat ikonik di Daerah Manjung yang menjadi tarikan pelancongan terutamanya pelancong berbangsa Cina beragama Buddha. Pelancong bangsa lain pun boleh pergi juga tiada masalah. Kita kan Multi-racial 😊

Tempat ini bukan sahaja terkenal sebagai tempat ibadat penganut Buddha, malah mempunyai landskap yang begitu unik & menarik sekali. Bangunan serta tembok sekelilingnya dibina berkoncepcian seni bina tamadun Cina seolah-olah membawa kita terbang ke negeri China.

Landscape yang unik ini menggabungkan replika istana purba tamadun Cina dan juga taman-taman maharaja zaman silam. Disini juga terdapat Taman Monyet yang menempatkan kehidupan liar dan berlatarbelakangkan paya bakau yang sangat indah.

Disini juga merupakan port popular bagi para 'photographer' untuk mengambil gambar permandangan yang indah dan juga sering dijadikan tempat 'Outdoor Shooting' raja sehari untuk mengabdikan momen-momen indah mereka.



SITIAWAN SETTLEMENT MUSEUM

Terletak di hadapan Sekolah Menengah Kebangsaan Methodist (ACS) Sitiawan bangunan dua tingkat ini dibina pada tahun 1935 sebagai rumah bagi pendeta Gereja Methodist Pioneer yang terletak di sebelah bangunan muzium tersebut. Pada 7 September 2003, rumah itu ditukar menjadi muzium. Muzium ini menyimpan pelbagai jenis tinggalan dan artifak dari aspek ekonomi, pendidikan dan gereja terdahulu yang menjadi peninggalan warisan generasi ke generasi yang seterusnya.



- Antara artifak peninggalan yang dipaparkan di 'Sitiawan Settlement Museum' adalah alat yang digunakan oleh para perintis, perabot dapur yester, meja perhiasan antik, kostum, basikal era kolonial, jam lama, gambar lama, besi arang batu dan lain-lain.

Muzium tersebut kian menjadi tarikan pelancong kerana sejarahnya yang menceritakan tentang pengorbanan, kesusahan dan kejayaan masyarakat FooChow pada masa lalu.



- located along Jalan Lin Chen Mei in Kampung Koh, Sitiawan.
- Opening hours:Tues - Sat: 10am - 5pm Sun: 2pm - 5pm Monday closed
- Admission:RM3 for students and senior citizens (above 60)RM5 for adults

ROTI CANAI

Pak Tam

KG. SITIAWAN



Kedai Roti Canai Pak Tam ini merupakan satu tarikan pengunjung yang terletak di Kampung Sitiawan yang merupakan sebuah perkampungan nelayan dan pengusaha hasil laut di Sitiawan. Kedai ini bertempat di tepi sungai dimana pengunjung yang datang dapat menikmati kelazatan roti canai yang dihidangkan sambil melihat pemandangan sekitar dan berkesempatan untuk melihat para nelayan bekerja. Kedai Roti Canai Pak Tam ini sering dipenuhi dengan pelanggan lebih-lebih lagi pada hari minggu.

Disebelah kedai Roti Canai Pak Tam, terdapat pasar yang menjadi kegemaran para penduduk Sitiawan untuk mendapatkan hasil laut segar yang ditangkap sendiri oleh para nelayan di perkampungan tersebut. Pelbagai jenis ikan segar dan 'seafood' boleh didapati di pasar ini namun, waktu para nelayan pulang dari laut adalah tidak menentu tetapi kebiasaananya adalah pada waktu pagi, tengah hari dan petang.





BANDAR SITIAWAN

Jom Teroska!

LEKIR



BANDAR PELANCONGAN DAN MARITIM
MANJUNG



Tanjung Kepah Lekir



Paya Bakau

TANJUNG KEPAH



Berlokasikan di Lekir, Tanjung Kepah merupakan sebuah perkampungan yang dibangunkan menjadi sebuah produk pelancongan domestik mesra alam dimana pengunjung berpeluang merasai pengalaman mencari kepah di persisiran pantai. Terdapat pelbagai jenis kepah yang boleh didapati di Tanjung Kepah, Lekir akan tetapi kepah hanya dapat ditemui pada musim-musim tertentu sahaja.

HUTAN PAYA BAKAU

Sungai Tiram

Sungai Tiram merupakan sebuah perkampungan yang terletak di Lekir, Sitiawan, dalam negeri Perak. Hutan Paya Bakau Sungai Tiram ini merupakan sebuah hutan paya bakau yang sering menjadi tumpuan para NGO untuk melakukan program-program pemeliharaan dan penanaman semula pokok bakau. Terdapat pelbagai program yang telah dijalankan sepanjang tahun 2015 sehingga tahun 2019 oleh pelbagai pihak.



Catatan penanaman pokok bakau yang terbanyak adalah pada tahun 2017 iaitu sebanyak 15,000 pokok bakau ditanam pada Sambutan Hari TLDM ke-83 yang terdiri daripada 1,000 orang peserta yang dianggotai oleh anggota TLDM, Polis DiRaja Malaysia, Majlis Perbandaran Manjung, Pejabat Tanah dan Daerah Manjung, pelajar institut pengajian tinggi dan juga pelajar sekolah. Inisiatif penanaman 15,000 pokok bakau itu selaras dengan semangat 'Green Navy' yang menyokong usaha 'Go Green Malaysia'.





INDUSTRI KEROPOK LEKOR LEKIR

Yah Binti Mahmud merupakan seorang pengusaha keropok lekor yang terkenal di Lekir. Keropok lekor ini di buat sendiri mengikut ramuannya sendiri dan keistimewaannya ialah isi ikan pada keropok lekor lebih daripada tepung. Selain membuat keropok lekor dia juga mengusahakan sos penciah, rempeyek, bahulu, bahulu gulung, kerepek ubi dan kuih muih tradisional yang lain. Perusahaan ini mendapat bimbingan dan bantuan daripada Jabatan Perikanan, Jabatan Pertanian, Lembaga Kemajuan Ikan Malaysia (LKIM) dan Lembaga Pemasaran Pertanian Persekutuan (FAMA).



LOKASI :

No 63, Kampung Pasir Pandak
Lekir, 32020 Sitiawan Perak.

HUBUNGI :

012- 4362545.

Industri keropok lekor Yah Mahmud ini telah diusahakan sejak 25 tahun yang lalu, juga menerima tempahan didalam penghasilan produk keropok lekor, sos penciah dan juga sata moden. Selain itu, mereka juga membekalkan pelbagai jenis keropok ikan untuk dijual kepada para penggemar keropok ikan di daerah manjung ini.



BANDAR SERI MANJUNG

Jom Teroska!

BERUAS

BANDAR MARITIM



BANDAR PELANCONGAN DAN MARITIM
MANJUNG



Pekan Beruas merupakan salah sebuah mukim yang terdapat dalam negeri Perak, dan juga merupakan satu dari mukim yang terletak dalam pentadbiran Daerah Manjung. Beruas (atau Bruas) ialah sebuah pekan di daerah Manjung, negeri Perak Darul Ridzuan, Malaysia.

Tempat yang berdekatan dengan Beruas ialah Pantai Remis dan Parit. Poskod Beruas ialah 32700. Nama Beruas dipercayai berasal dari Pokok Bruas, sejenis pokok tempatan yang menyerupai pokok manggis (nama saintifik: *Garcinia hombroniana*). Pekan Beruas ini berasal daripada satu kawasan yang bernama Belukar Sambang. Belukar Sambang adalah terdiri daripada satu kawasan yang dinamakan Kampung Kilang. Disebabkan pembinaan Pekan Beruas, Kampung Kilang telah terbahagi dua, satu adalah menghala ke Jalan Taiping dan satu lagi kawasan yang menuju Ulu Beruas.

Pekan Beruas pada hari ini sudah berdiri disana sejak tahun 1918 lagi. Pada satu waktu itu, pekan Beruas adalah sebuah pekan persinggahan yang amat sibuk dengan pelbagai jenis urusan perniagaan, terutamanya jual beli bijih timah. Pekan Beruas juga punyai keunikannya yang tertentu kerana seringkali dikaitkan dengan kisah Kerajaan Gangga Negara dan Kerajaan Melayu Beruas yang telah hilang. Penemuan beberapa artifak sebenarnya telah pun ditemui oleh orang kampung dan penyelidik sejarah dan artifak-artifak tersebut boleh dilihat di Muzium Beruas.

Pekan Beruas





AIR TERJUN *Ulu Licin* BERUAS

Taman Eko-Rimba Ulu Licin, atau kepada penduduk di sekitar Beruas, sekadar Ulu Licin. Air terjun ulu licin terletak di dalam hutan simpan kekal Bubu dan terbahagi kepada 4 tingkat , tapi yang paling sesuai untuk seisi keluarga adalah bahagian tengah kerana aliran airnya tak terlampau deras. Air sungai berjeram yang jernih mengalir merupakan tarikan utama kepada pengunjung di kawasan hutan simpan kekal ini.

Panorama alam yang indah dan menyenangkan di Air Terjun Ulu Licin sememangnya menjadikan ia satu tempat yang amat berbaloi untuk dikunjungi.

Tidak ramai yang sedar, kawasan perkelahan yang terkenal di kalangan penduduk setempat ini, sering kali menjadi tempat berlatih askar dan tentera termasuk pasukan komando bagi membiasakan diri dengan keadaan hutan yang tebal dan terasing . Antara aktiviti yang boleh anda lakukan disini selain bermandi - manda dan beriadah ialah 'jungle trekking' di hutan lipur ulu licin dimana telah disediakan trek mendaki, berkhemah, dan berkelah.



LOKASI

Terletak lebih kurang 10 kilometer dari pekan Beruas.

MUZIUM BERUAS

1991



Pada 25 November - 25 Disember 1991, sekumpulan penyelidik dari Muzium Negara, Kerajaan Negeri Perak dan Universiti Kebangsaan Malaysia telah membuat kajian tentang kewujudan Kerajaan Gangga Negara.

Maksud Gangga Negara ialah dipercayai merupakan kerajaan Melayu - Hindu lama yang hilang dan ada disebut dalam Sejarah Melayu yang kini merangkumi Beruas, Dinding dan Manjung yang pada masa kini terletak di Negeri Perak. Para penyelidik mempercayai bahawa kerajaan ini berpusat di Beruas dan ia runtuh selepas serangan oleh Raja Rajendra Chola -I dari Coromandel, India Selatan di antara tahun 1025 dan 1026.



Menurut sebuah lagi catatan sejarah Melayu, Hikayat Merong Mahawangsa, Gangga Negara mungkin telah diasaskan oleh anak Merong Mahawangsa, Raja Ganjal Sarjuna dari Kedah, yang dikatakan sebagai keturunan

Iskandar Agung atau keluarga diraja Khmer tidak lewat dari abad ke-2. Artifak yang ditemui oleh orang kampung telah dikaji semula. Beberapa artifak-artifak sejarah telah ditemui. Artifak-artifak ini disimpan oleh Muzium Negara. Pihak Jabatan Muzium merasakan kesemua penemuan tersebut perlu ditempatkan di sebuah Muzium yang dinamakan Muzium Beruas, sementara kajian-kajian seterusnya dibuat dari semasa ke semasa

Bangunan Mahkamah Beruas diubahsuai untuk dijadikan Muzium Beruas. Asalnya pejabat KEMAS kawasan Beruas. Kementerian Kebudayaan, Kesenian dan Pelancongan Malaysia melalui Jabatan Muzium dan Antikuiti menggunakan peruntukan Rancangan Malaysia ke-6 telah membiayai Muzium Beruas.

Pada 23 Mei 1995, Muzium Beruas diserahkan oleh Ketua Pengarah Muzium Negara kepada Kerajaan Perak. Julai 1995 menteri besar Perak Darul Ridzuan Tan Sri Dato' Seri DiRaja Ramli Ngah Talib merasmikan Muzium Beruas dan telah dibuka kepada orang ramai.





DAERAH MANJUNG

Jom Teroska! PORT MEMANCING

BANDAR MARITIM



BANDAR PELANCONGAN DAN MARITIM

MANJUNG




LUBUK SIAKAP MERAH

KG BARU AYER TAWAR,
PERAK



Tempat ini amatlah tepat bagi kaki pancing dan mencari lubuk memancing terutama ikan Siakap Putih dan Siakap Merah, pastikan anda mencuba di sekitar Sungai Manjung, Setiawan, Perak. Di situ terdapat banyak chalet serta homestay untuk mereka yang minat memancing. Ia merupakan sebuah chalet yang mengunjur ke laut dengan disediakan pelantar khas untuk meletakkan joran. Chalet yang saya maksudkan tu adalah Chalet Amir Kg Baru, Ayer Tawar. Chalet ini memang terkenal di kalangan pemancing tempatan menaikkan ikan Siakap. Malah, pernah ada pemancing menaikkan ikan Siakap Putih dengan berat lebih 5 kilogram di Chalet Amir.

Sumber - Lubuk Siakap Merah Kg Baru Ayer Tawar, Perak



ROCKBUND FISHING CHALET

Chalet Rockbund Fishing adalah tempat memancing di Perak yang ditubuhkan dalam bentuk chalet dimana pelancong boleh menginap dan memancing di sini. Chalet Rockbund Fishing ini menghadap lautan luas dan mempunyai susunan bangunan yang teratur bagi memudahkan semua penginap mendapat ruangan tersendiri untuk memancing.

Untuk pengetahuan, terdapat ruang pelantar khas yang boleh pelancong gunakan untuk memancing bersama keluarga dan rakan-rakan. Banyak hasil tangkapan menarik yang boleh anda dapatkan disini seperti ikan jenahak, senangin, kerapu dan lain-lain lagi. Rockbund Fishing Chalet ini juga sesuai untuk pelancong beriadah, bersiar-siar dan menghimpunkan koleksi gambar. Pelancong tidak perlu membuat pembayaran jika ingin masuk ke sini untuk melawat dan bergambar.



Lokasi :
Marina Island, KM1, Jalan Utama
Marina Island, 32200 Lumut,
Perak



NELAYAN TIGA CHALET & CAMP

Memancing adalah merupakan hobi yang amat digemari oleh pelancong lelaki maupun wanita. Oleh itu, tempat ini memang wajib dikunjungi oleh para pencinta joran dan tempat ini menyediakan chalet sebagai tempat penginapan. Chalet yang luas dan dilengkapi kemudahan amat sesuai untuk seisi keluarga datang ke sini.

Terdapat pakej meronda menaiki bot sekitar kawasan chalet untuk aktiviti memancing siang dan malam. Waktu memancing tanpa penginapan Rm5/seorang (8:00 pagi - 4:00petang) sahaja pada setiap hari.



Lokasi:
(Jalan Nelayan 3, Kg
Batu 3, Segari 32200
Lumut, Perak)



PERKAMPUNGAN NELAYAN, LUMUT



Tempat memancing di Perak untuk kaki pancing yang menarik adalah Perkampungan Nelayan, Kampung Batu 3 yang terletak di Damar Laut, Lumut. Anda boleh membeli umpan sebelum masuk ke kawasan ini kerana umpan-umpan di sini selalunya tiada dan cepat habis. Umpan seperti udang hidup boleh anda gunakan untuk memancing di sini.

Perkampungan nelayan terkenal dengan kawasan perairan laut yang membolehkan anda memancing disini seawal 7 pagi sehingga 7 malam sahaja. Terdapat 2 jeti pendaratan di sini yang boleh anda lihat ikan dibawa naik. Ramai pemancing yang memancing di perkampungan nelayan ini membawa pulang ikan siakap, mereka yang memancing di kawasan jeti akan dapat melihat nelayan atau pemancing membawa ikan naik ke darat pada waktu petang atau seawal pagi.

Untuk pengetahuan anda, anda boleh mendapatkan chalet yang murah dan pelbagai kemudahan disini malah boleh memancing di jeti yang khas disediakan oleh pemilik chalet untuk anda yang merupakan kaki pancing.



DAERAH MANJUNG

Jom Teroska! SEKTOR PERINDUSTRIAN

BANDAR MARITIM



BANDAR PELANCONGAN DAN MARITIM

MANJUNG





TENTERA LAUT DIRAJA MALAYSIA (TLDM)

Setelah wujud kira-kira 3 tahun, Pasukan Malayan Naval Force mencatatkan satu sejarah pada 29hb Ogos 1952, apabila ia dianugerahkan taraf 'Diraja' oleh Kerajaan British. Anugerah telah dikurniakan sendiri oleh Ratu British, Queen Elizabeth II, berdasar kepada jasa-jasa serta pengorbanan yang telah ditunjukkan oleh pasukan semenjak mula ditubuhkan dalam tahun 1939.


Terdapat Hari Terbuka Armada yang saban tahun dilaksanakan TLDM menampilkan persembahan udara, Aset Udara TLDM iaitu helikopter FENNEC dan SUPER LYNX bersama F/A-18D Hornet milik Tentera Udara Diraja Malaysia . Turut mencipta kelainan, Pasukan Khas Laut (PASKAL) tampil dengan pelbagai aksi yang mengujakan dalam persembahan Demonstrasi Menyelamat Mangsa Tebusan. Pasukan Kawad Senyap TLDM juga tidak ketinggalan mempamerkan persembahan membanggakan apabila berjaya menarik perhatian masyarakat dengan persembahan lincah, kemas dan teratur.

Yang lebih menarik booth pameran statik antara yang menjadi tarikan kepada pengunjung. Boat Ride menggunakan Bot Tempur TLDM, CB 90 turut menerima kunjungan yang tidak putus-putus bagi mereka yang ingin merasai peluang belayar bersama bot TLDM.

BOUSTEAD NAVAL SHIPYARD

Terletak di Lumut, Perak, Boustead Naval Shipyard mempunyai rekod prestasi yang kuat dan kemampuan yang terbukti dalam pembinaan dan pemberian kedua-dua kapal tentera laut dan komersial termasuk kapal layar mewah, kapal tunda dan kapal bekalan luar pesisir. BHIC dan sekutunya memiliki tiga galangan kapal yang terletak di sepanjang perairan Selat Melaka. Terbesar di antara mereka, dan juga yang terbesar di Malaysia dari segi kapasiti, adalah Boustead Naval Shipyard, sebuah galangan kapal tentera laut yang terletak di sebelah pangkalan TLDM di Lumut di negeri Perak.

Kegiatan utama BHIC adalah membuat pembinaan kapal, pemberian kapal dan kerja MRO untuk kapal tentera laut, dengan Tentera Laut Diraja Malaysia (TLDM) adalah pelanggan utama. BHIC mempunyai rekod prestasi yang terbukti dalam membina kapal tentera laut kelas atas dan berkuasa tinggi untuk TLDM seperti Kapal Tempur Littoral (projek yang sedang berjalan), Kapal Peronda Generasi baru, dan menjalankan kerja MRO untuk armada TLDM yang juga termasuk Kelas Perdana Menteri Scorpene kapal selam. Selain itu, BHIC juga mampu membangun berbagai kapal komersial termasuk kapal tunda pengendalian sauh (AHTS), kapal sokongan luar pesisir (OSV), kapal penumpang, kapal tangki dan tongkang.



FILM NEGATIVE

FILM NEGATIVE

FILM NEGATIVE



Lumut Port dikenali sebagai Lumut Maritime Terminal Sdn Bhd, ia memiliki dan mengoperasikan pelabuhan di Kg Acheh, Lumut yang telah dirasmikan pada 24 Julai 1995 berdasarkan reka bentuk turnkey telah beroperasi selama lebih dari 20 tahun dan memiliki peranan penting sebagai pemangkin pertumbuhan ekonomi, pembangunan, dan perindustrian negara.. Pada tahun 2002, Lumut Port mula beroperasi dan menguruskan Terminal Pukal Lekir. Taman Perindustrian Lumut Port menyediakan ruang darat untuk pergudangan atau pemindahan barang dan ditawarkan untuk pelabur tempatan dan asing yang dapat menyumbang kepada hasil Pelabuhan.

Jenis kargo yang dikendalikan :

- Pecah pukal (Break bulk) terdiri daripada *hydrated lime*, simen putih dan kargo projek.
- Sebilangan besar kering (Dry Bulk) terdiri daripada batu kapur, arang batu, *petroleum coke*, garam dan tanah liat.
- Sebilangan besar cecair (Liquid Bulk) terdiri daripada produk minyak sawit, produk petroleum, dan produk asid.



TENAGA NASIONAL BERHAD MANJUNG



Tenaga Nasional Berhad (TNB) ditubuhkan pada tahun 1996. Terletak di sebuah pulau Teluk Penchalang yang ditambak, 10 km ke selatan Lumut, mempunyai luas tanah seluas 325 hektar terdiri daripada kemudahan kilang, arang batu, kolam abu 25 tahun dan tanah simpanan. Stesen Janakuasa Sultan Azlan Shah adalah loji janakuasa pertama di Malaysia yang menggunakan teknologi arang batu bersih - tagline 'Technology in Harmony with Nature' mengesahkan komitmen syarikat utiliti kuasa nasional terhadap pembangunan tenaga elektrik yang lestari dan yang diluluskan untuk beroperasi dengan selamat sambil menjaga alam sekitarnya. Stesen yang mampu menghasilkan kapasiti kuasa total 2100 MW pada tiga mesin 700MW yang dibekalkan oleh Alstom Tenaga Nasional Berhad. Loji janakuasa bersih arang batu 2100 MW dibina oleh TNB Janamanjung Sdn Bhd (TNBJ), anak syarikat milik penuh TNB, dengan menggunakan pendekatan yang digunakan oleh pengeluar tenaga bebas tempatan (IPP).

SAPURA ENERGY



Sapura Energy Berhad ("Sapura Energy" atau "The Group") adalah penyedia perkhidmatan dan penyelesaian minyak dan gas bersepadu global terkemuka bahkan terbesar di dunia. Dengan tenaga kerja multinasional yang sangat berkemahiran tinggi dan berkemampuan teknikal, aset bertaraf dunia yang strategik, dan kemampuan pengurusan projek yang kuat, "The Group" sudah mempunyai kehadiran global di lebih 20 negara.

Sapura Energy membuat senarai Forbes Asia Fabulous 50 yang berprestij untuk tahun kedua berturut-turut, menunjukkan komitmennya untuk cemerlang dalam semua aspek perniagaannya. Sapura Energy juga terpilih sebagai syarikat terkelola terbaik Asia di Sumber Asli untuk tahun 2014 dalam tinjauan yang dilakukan oleh penerbitan kewangan antarabangsa, Finance Asia.